



UNIVERSITÄTS-
BIBLIOTHEK
PADERBORN

Universitätsbibliothek Paderborn

Commentarii Exegetici In Apocalypsim Ioannis Apostoli

Viegas, Brás

Parisiis, 1615

Vtrum Antichristus à Iud[a]eis satum, & originem trahere debeat, & qua ex tribu, & vbinam gentium orietur. Sectio III.

urn:nbn:de:hbz:466:1-39261

1. Theff. 4.

nionem Diabolum esse futurum, sed unum de hominibus. Confirmaturque liquidò ex 2. Theff. 2. ubi Apostolus docet Antichristum interficiendū esse spiritu oris Christi, quod in Diabolum nullo modo potest cōuenire. Accedit, quod Patres communi consensu affirmant Antichristum futurum esse verum hominem.

II.
Antichristus
futurus ve-
rus homo per
incarnationē
Diaboli.
D. Hieron.
D. Io. Dam.
Beda
Oecumen.

Sed adhuc plerique minimè credentes tantam naturæ perversitatem in puro homine reperiri posse, dixerunt Antichristum futurum quidem verum hominē, sed per incarnationem Diaboli, ita ut Diabolus naturam aliquam humanam in unitatem sui suppositi assumere debeat: quemadmodum verbum Divinum per incarnationem libi humanam naturam copulavit. Quem errorem referūt, & refellunt D. Hieron. super c. 7. Dan. D. Ioan. Damasc. lib. 4. fidei Orthod. c. 27. Beda super c. 13. Apoc. Oecumen. in com. super. 2. epist. ad Theff. c. 2. Legendus est etiā D. Hier. præfat. in Malachiam, & in c. 1. Aggai, ubi disputat aduersus Origenem, qui to. 2. in Ioannem, asseruit aliquot Angelos verè esse incarnatos. Maneat igitur Antichristum nō modo verum, sed etiam purum hominem futurū. Quod verò loco citato ait Hier. Diabolum habitaturum esse in Antichristo corporaliter, non eo sensu est accipiendū, quo Paulus dixit de Christo ad Colossenses secūdo,

Col. 2. 9.

Diaboli in
Antichristū
passus.
D. Irenæus.
D. Ephrem
Cyril Hiero.
D. Io. Dam.
D. Hieron.

Quia in ipso inhabitat omnis plenitudo Divinitatis corporaliter. Sed quod Dæmon plenā debeat habere potestatem in Antichristum, eumque servata tamen ipsius libertate acturus, & gubernaturus sit in omnibus actionibus. Vnde D. Iren. lib. 5. aduersus hæreses, c. 25. docet illum recapitulaturum esse in se Diabolicæ apostasiam. Et Beatus Ephrem Syrus tractatu de consummatione seculi, & Antichristo appellat illum organum Dæmonis: idēque epitheton ei tribuit Cyril. Hierof. catechesi 15. & D. Ioan. Damasc. lib. 4. fidei Orth. c. 27. appellat Diaboli domicilium. Quo pacto etiam accipiendus est D. Hiero. cum Esai. 16. Diabolum vocat patrem Antichristi. Est etiam & illa ratio, quia Dæmon in eius conceptione cōcurrat ad formationem illius corporis, & complexionis: simili quodammodo, quo Spiritus sanctus corpus Christi in utero Virginis efformavit.

III.
Antichristi
ortus.
D. Io. Dam.
D. Anselm.
B. Ephrem.

Quod verò attinet ad eius ortum, D. Ioan. Damasc. libro quarto fidei Orthod. cap. 27. & D. Anselm. in Apocal. aiunt ex fornicatione nasciturum: & B. Ephrem Syrus tract. de cōsummat. seculi, & Antichristo ex spurcissima, & salacissima femina. Imo non improbabiler quidam opinantur Antichristum nasciturum ex Dæmone aliquo incubo, qui prius succubus specie femine alicui viro subiectus virile semen colligat, quod postea viri specie incubus in Antichristi matrem transfundat. Dari enim tum succubos, tum incubos Dæmones affirmat D. August. li. 15. de Ciuit. Dei cap. 23. Tunc verò Antichristus non Dæmonis erit filius, sed eius viri cuius erit assumptum semen. atque in hunc sensum accipi potest, quod Hieron. dixerat Dæmonem patrem Antichristi futurum.

D. Aug.

Vtrum Antichristus à Iudæis satum, & originem trahere debeat, & qua ex tribu, & vbinam gentium orietur.

I.
D. Irenæus.
Methodius.
Antichristus à
tribu Dā su-
turum qui
asserunt.
D. Ioan. Dam.
Theod.
D. Ambros.
Psal. 40. 10.
D. August.

SECTIO III.

Antichristum futurum esse ex tribu Dan, atque adco gente Iudæum, est communis Patrum sententia, quam tradunt, & sequuntur D. Iren. lib. 5. aduersus hæreses, c. 30. Method. Mart. in suis reuelationibus 2. tom. bibliothecæ Sanct. Patrum, D. Ioan. Damasc. lib. 4. fidei Orthod. c. 27. Theod. libro questionū in Gen. q. 109. D. Ambr. lib. de benedictionibus Patriarcharum. c. 7. & in Pl. 40. super illa verba: *Magnificauit super me supplantationem*: D. August. lib. quaest. in Iosue quaest. 12.

quæst. 22. D. Greg. lib. 31. Mor. cap. 18. Eucher. lib. 3. in Gen. Hippol. Mart. in orat. de consummat. mudi. D. Prosper de promissionibus, & prædictionibus Dei, parte 4. & in dimidio tæporis c. 9. Beda, Rupert. D. Anselm. Arethas, Richard. Vict. Apoc. 7. Sibylla Tiburtina in lib. Sibyllin. cæminum, Anastasius Synaita lib. 10. comment. in Hexam. & refertur in appendice Biblioth. Sæct. Patrum. Rabanus Maurus tract. de Antichristo, qui falsò tribuitur D. August. eumque Rabanò describit Rupert. Apoc. 8. Iudæum autem futurum non nominando tribu affirmat D. Hieron. in comment. super e. 11 Dan. & Severus Sulpit. lib. 2. Dialogorum. Itaque non solum Iudæus genere erit Antichristus, sed etiam ex tribu Dan.

Et quidem quòd Iudæus sit futurus, certum planè videtur: quòd autè ex tribu Dan, non ita certu, sed multò tamè probabiliùs propter communem doctorum sententiam, qui omnes afferunt locum illum Gen. 49. *Fiat Dan coluber in via, cæstes in semita, mordens ungulas equi, ut cadat ascensor eius retrò.* Quem locum quanquam D. Hieron. & alij interpretantur de Saplone, qui fuit ex tribu Dan, & Philisthæos ubique diu exauit, illis que tanquam coluber in viis, & cæstes in semitis terribilis occurrebat: tamen propter id, tanto rùque Patrum, quos paulò ante citauimus, sententiam, negari non debet, ibi etiam siue ad literam, siue mysticè vaticinium de Antichristo contineri. Aliud argumentum ducitur ex Apoc. 7. ubi Iòanes eam ob causam existimatur à Doctoribus, & potissimù ab Irenæo, lib. 5. aduersus hereses c. 30. in connumerandis tribubus Israël prætermisisse tribu Dan, propter Antichristu videlicet, qui ex eatrà hère debeat originè, quam idcirco veluti maiori ex parte reproba non putauit in numero signatorum connumerandã. Quòd autem simul tribum Ephraim prætermiserit, illa à nobis eo loco reddita ratio est, quòd ex ea tribu originè duxerit Hieroboà, qui primus in decem tribus idololatriam inuexit: quanquã & pro Eph. patrè ipsius Ioseph Io. posuerit. Denique citatur in eandè sententiam locus ille Hieremie 8. *A Dan auditus est fremitus eorum: eius, a voce humanitù pugnantium eius comota est omni terra, & uenerunt, & deuorauerunt terrã, & pleitudinem eius, urbè, & habitatores eius.* Quo etiam testimonio vitur ad idem confirmandu D. Iren. loco citatò. Verùm aut auctor est D. Hieron., loquitur Hieremias ad literam de Nabuchodonosor, qui à Dan regione per Phaniceni cum exercitu venturus describitur: itaque ad Antichristum non pertinet. Duo propriè testimonia quamquam rem omnino certam non faciunt, eam tamen reddunt valdè probabilem propter comunem Patrum, Doctorumque expositionem.

Diximus supra certum planè esse Antichristum futurum Iudæum, tum quia in eam sententiam omnes Patres vnanimi consensu conspirant, tum etiam quia cum Antichristus debeat se mentiri Messiam propter Iudæos, qui illum recepturi sunt, cum Messias Iudæus genere in scripturis palam pronuncietur, nisi ipse Iudæus sit, non poterit se pro Messia vniuersæ Iudæorù genti obtrudere eandèmq; ob causam, mentietur se esse ex tribu Iuda, quæ est tribus Regia, & Messia in sacris literis tribuitur. Nam quòd Iudæi Antichristum pro Messia recepturi sunt disertis verbis prænuntiauit Christus Dominus Ioann. 5. *Ego ueni in nomine Patris mei, & non accipit me, si alius uenerit in nomine suo, illum accipietis.* Quare exploratum esse debet Antichristu & Iudæum genere, & ex tribu Dan ducturum originè propter comunem Patrum sententiam, in eo & sacris literis magis congruentem.

Quòd ad locum spectat, in quo tam prodigiosum monstrum orietur, Diuus Hieronymus in comment. super caput 12. Danielis, D. Anselm. in Elucidario, Rabanus Maurus in tract. de Antichristo, & alij affirmant Antichristum Babylone nasciturum: quæ sententia communior est, & ferè iam ab omnibus recepta. Addunt

D. Gregor.
Eucher.
Hippol. Mar.
D. Prosper.
Beda.
Rupert.
D. Anselm.
Arth.
Richard. Vict.
Sibyl. Tibur.
Anast. Syn.
Rab. Maur.
D. Hieron.
Seuer. Sulpit.

II.
Futurum Iudæum statuitur ut certum.
Gen. 49. 17.
Apoc. 7.
In connumerandis tribubus Israël cur tribum Dan prætermiserit Iòannes.

Hier. 8.
D. Hieron.

III.
Antichristus nascitur se ex tribu Iuda.
Ioan. 5. 43.

III.
D. Hieron.
D. Anselm.
Rab. Maur.
Nascitur Babylone.

Aniel. & Raban. (id quod acceperunt ex Methodio in reuelationibus) illum educandum esse in Corozaim, & Bethsaida, & regnaturum in Capharnaum: videtur quoque Method. in eam venisse sententiam propter illa verba Christi Domini Matt. 11. *Ve tibi Corozaim, & tibi Bethsaida, & tibi Capharnaum, si usque in caelum exaltaberis, usque ad infernum detraheri.* Citat enim hunc locum Method. existimans tunc Bethsaida, Corozaim, & Capharnaum ad infernum usque descensuras, cum in eis educabitur, & regnauerit Antichristus, Verum id incertum est, probabilius videtur, quod scribit D. Ioan. Damasc. libr. 4. fidei Orthodox. cap. 27. Antichristum clam esse educandum, Quod vero attinet ad sedem regni, & imperij metropolim suolo co dicemus.

De malitia, & profligatis moribus Antichristi.

SECTIO IIII.

I. **C**um dictum sit de nomine, ortu, & patria Antichristi, sequitur, ut de ratione vitæ, ac moribus disseramus. Illud igitur primum constat Antichristum perditissimum, & profligatissimum fore omnium mortalium quotquot unquam ab orbe condito extiterunt, & ad finem usque mundi existent: vnde à Paulo 2. ad Thes. 2. per antonomasiam appellatur. *Homo peccati, filius perditionis, & ille iniquus, cuius est aduentus secundum operationem satanae in omni seductione iniquitatis.* Quo loco Emphalim habet, *Ille iniquus*, Græcè δὲ ἄνομος: ubi articulus, ο, notat insignem quandam iniquum. Et Matth. 13. iniquus per excellentiam appellatur, cum dicitur: *Ager autem est mundus, bonum vero semen hi sunt filij regni: & zizania autem filij sunt nequam: ubi pro nequam est Græcè ἄνομος in gignendi casu, quasi dicas filij ipsius mali, qui malus, nequam, & iniquus per excellentiam dicitur: quo nomine quidam Demonem, alij Antichristum accipiunt. De eius impudentia locutus est Daniel c. 8. Cum creuerint iniquitates, consurget Rex impudens facie. Delibidine c. 11. Erit in concupiscentijs faminarum: sed de hoc inferius disputabimus. De blasphemis c. 7. Sermones contra excelsum loquetur, & aduersus Deum Deorum loquetur magnifica. De superbia Paulus 2. ad Thes. 2. *Excelsus super omne, quod dicitur Deus, aut quod colitur.* Secundò, Erit omnibus magicis artibus, hariolandi scientia, incantationum, & veneficiorum doctrina instructissimus. Ita docet Cyril. Hier. catechesi mystagogica, 15, & Rabanus Maurus tractatu de Antichristo. Habebit, inquit, Antichristus magos, maleficos, diuinos, incantatores, qui eum Diabolo inspirante nutriēt, docebunt in omni iniquitate, falsitate, & nefaria arte, & maligni spiritus erunt duces eius, & socij semper, & comites indiuisi.*

Tertiò, Ab ipso conceptu possidebitur à Dæmone, qui, uti diximus, ad formandam eius corpus concurreret, talemque in eo humorum permissionem efficiet, ut sit natura ad omne vitium maxime propensus. Id quod his verbis explicat Raban. loco citato: in ipso conceptionis initio Diabolus simul introibit in uterum matris eius, & ex virtute Diaboli confouebitur, & contutabitur in ventre matris. Et sicut in matrem Domini nostri Spiritus sanctus descendit, & eam sua virtute obumbravit, ut quod nasceretur Diuinum esset, & sanctum: ita Diabolus in matrem Antichristi descendit, & totam eam replebit, totam circumdabit, totam tenebit, totam interius exteriusque possidebit, ut Diabolo per hominem cooperante concipiat, & quod natum fuerit, totum sit iniquum, totum perditum. Quarto. Talem ab ipsa infanzia Dæmon habebit in eum dominatum, & imperium, absque præiudicio tamen libertatis, ut eum in omnem malitiam, morumque peruersitatem impellat.